



Presentacion di "Nieuwe Pennenvruchten van Simson"



ORANJESTAD(AAN)— Recientemente a wordo presenta e buki "Nieuwe pennenvruchten van Simson." E presentacion di e buki cu a wordo skirbi dor di e artista polifacetico Waldy Simson, a tuma lugar den Fort Zoutman na Oranjestad,

Aruba. "Nieuwe pennenvruchten van Simson" a wordo dedica na Jurio Simson y Marie Johanna Valpoort kendenan ta yui y mama di e artista. Un de metanan importante di e presentacion di e buki tabata pa duna e publico presente un impresion di e



contenido di e buki cu a wordo skirbi pa un parti na Hulanda, Suriname, Aruba y Sur Africa.

Maestro di ceremonia, Lenny Denz, a habri e anochi cu informacion importante tocante e artista Simson y despues di dje el a introduci Olga Buckley, kende lo a recita poemanan for di e buki.

Acompaña dor di Sammy Dumfries riba tambu di Africa, Olga a cuminsa recita e poemanan "Als dank aan U mijn Heer" y "Aruba."

Despues cu nan a haya un descripcion di e contenido di "Nieuwe pennenvruchten van Simson" e publico presente por a scucha di e CD "Sapatiya" di koro Maranatha di Surnam e cantica "Mijn dank" cu a wordo skirbi dor di Simson. Coral Choir, bou di guia di Catherine Provence, a sigui e anochi cu cantamento di e canticanan "Pater Noster" y "Nobody Knows" y e solistanan Dini de Mik y Nella Tetteroo, acompaña riba keyboard dor di Catherine, a canta entre otro e canticanan "Psalm 150" y "United we stand divided we fal" cu ta forma parti di "Nieuwe pennenvruchten van Simson".

E publico presente, bou di cua tambe tabatin Minister di Hustitia y Enseñansa, señor Arthur Dowers, a haya via e video "Hoop", un impresion di experiencia cu Simson a haya na Sur Africa entre otro di su encuentro cu Nelson Mandela.

E video a wordo produci dor di Ryan Oduber y Germille Geerman a base di portret cu a wordo saca na Sur Africa dor di Waldy Simson.

Despues Olga Buckley a recita e poema "Hoop", cu a wordo dedica na Nelson

Mandela, y e poema "De kunstenaar" el a recita, acompaña atrobe dor di Sammy Dumfries e poema "Ga toch maar niet", cu ta e ultima poema den "Nieuwe pennenvruchten van Simson".

Waldy Simson, kende for di curason a gradici tur esnan cu a contribui na un manera positivo na e publicacion y e presentacion di "Nieuwe pennenvruchten van Simson" a expresa su aprecio pa e publico presente via e cantica "Speechless" cu a

wordo skirbi dor di Michael Jackson.

E prome copianan firma di "Nieuwe pennenvruchten van Simson" a wordo duna na e musico Rufo Odor, John Hessen y director di Biblioteca Nacional Aruba, Astrid Britten.

Pa mas informacion tocante "Nieuwe pennenvruchten van Simson" por tuma contact cu Waldy Simson / Adres: Kas Ariba 28 F / Santa Cruz - Aruba / Telefon: 00-297-5626581 y 00-297-5857472 / e-mail: waldysimson@hotmail.com.